

李娃傳
楊娼傳
綠珠傳
霍小玉傳

會真記
梅妃傳
潤玉傳
趙氏二美遺踪

長恨歌傳
李師師外傳附錄
少室仙姝傳



李師師外傳

附錄

撰人不詳

中華書局

李師師外傳

李師師者，汴京東二廂永慶坊染局匠王寅之女也。寅妻既產女而卒，寅以菽漿代乳乳之，得不死。在襁褓未嘗啼，汴俗凡男女生，父母愛之，必爲捨身佛寺。寅憐其女，乃爲捨身寶光寺。女時方知孩笑，一老僧目之曰：「此何地，爾乃來耶？」女至是忽啼，僧爲摩其頂，歸乃止。寅竊喜曰：「是女真佛弟子。」爲佛弟子者，俗呼爲師，故名之曰師師。師師方四歲，寅犯罪繫獄死，師師無所歸，有倡籍李姥者收養之。比長，色藝絕倫，遂名冠諸坊曲。徽宗宗下一本帝既位，好事奢華，而蔡京、章惇王之黼、徒遂假紹述爲名，勸帝復行青苗諸法。長安中粉飾爲饒樂氣象，市肆酒稅日計萬緡，金玉繒帛充溢府庫。於是童貫、朱勔輩復導以聲色，狗馬宮室苑囿之樂，凡海內奇花異石，搜采殆徧，築離宮於汴城之北，名曰艮嶽。帝般樂其中，久而厭之，更思微行爲狎邪遊。內押班張迪者，帝所親倖之寺人也。未宮時，爲長安狎客，往來諸坊曲，故與李姥善。爲帝言隴西氏色藝雙絕，帝豔心焉。翼日命迪出內府紫茸二匹，霞毼二端，瑟瑟珠二顆，白金廿鎰，詭云大賈趙乙願過廬一顧。姥利金幣，喜諾。暮夜帝易服，雜內寺四十餘人，中一本無中字出東華門二里許，至鎮安坊鎮安坊者，李姥所居之里也。帝麾止餘人，獨與迪翔步而入堂戶，卑庑。姥出迎，分庭抗禮，慰問周至。進以時果數種，中有香雪藕、水晶蘋果，而鮮棗大如卵，皆大官所未供者。帝爲各嘗一枚，姥復款洽良久，獨未見師師出拜。帝延佇以待，時迪已辭退。姥乃引帝至一小軒，栗几臨窗，縹緗數帙，窗外新篁參差弄影。

帝儻然兀坐。意興閒適。獨未見師師出侍。少頃。姥引帝到後堂。陳列鹿炙、雞醢、魚膾、羊簽等肴飯。以香子稻米。帝爲進一餐。姥侍旁款語。移時。而師師終未出見。帝方疑異。而姥忽復請浴。帝辭之。姥至帝前耳語曰：「兒性好潔。勿忤。帝不得已。隨姥至一小樓下。漏室中。浴竟。姥復引帝坐後堂。肴核水陸。盃蓋新潔。勸帝歡飲。而師師終未一見。良久。姥纔執燭引帝至房。帝舉帷而入。一燈熒然。亦絕無師師在。帝益異之。爲倚徙几榻間。又良久。見姥擁一姬。珊珊而來。淡妝不施脂粉。衣絹素無豔服。新浴方罷。嬌態如出水芙蓉。見帝。意似不屑。貌殊倨。不爲禮。姥與帝耳語曰：「兒性頗復勿怪。帝於燈下凝睇物色。之幽姿逸韻。閃爍瞥。問其年不荅。復強之。乃遷坐於他所。姥復附帝耳曰：「兒性好靜坐。」一本無唐突勿罪。遂爲下帷而出。師師乃起。解玄絹褐襖。衣輕綈。捲右袂。援壁間琴。隱几端坐。而鼓平沙落鴈之曲。輕攏慢撚。流韻淡遠。帝不覺爲之傾耳。遂忘倦。比曲三終。難唱矣。帝亟披帷出。姥聞亦起。爲進杏酥飲。棗餠餠。餠餠諸點品。帝飲杏酥盃許。旋起去。內侍從行者皆潛候於外。卽擁衛還宮。時大觀三年八月十七日事也。姥私語師師曰：「趙人禮意不薄。汝何落落乃爾。」師師怒曰：「彼賈奴耳。我何爲者。」姥笑曰：「兒強項。可令御史裏行。已而長安人言籍籍。皆知駕幸隴西氏。姥聞大恐。日夕惟涕泣。泣語師師曰：「洵是夷吾族矣。」師師曰：「無恐。上肯顧我。豈忍殺我。且疇昔之夜。幸不見逼。上意必憐我。惟是我所竊自悼者。實命不猶。流落下賤。使不潔之名。上累至尊。此則死有餘辜耳。若夫天威震怒。橫被誅戮。事起佚遊。上所深諱。必不至此。可無慮也。」次年正月。帝遣迪賜師師蛇跗琴。蛇跗琴者。琴古而漆黝。則有紋如蛇之跗。蓋大內珍藏寶器也。又賜白金五十兩。三月。帝

復微行如隴西氏。師師仍淡妝素服，俯伏門階迎駕。帝喜，爲執其手令起。帝見其堂戶忽華嚴，前所御處，皆以蟠龍綿繡覆其上。又小軒改造傑閣，畫棟朱闌，都無幽趣。而李姥見帝至，亦匿避。一本二宣至，則體顫不能起。無復向時調寒送煖情態。帝意不悅，爲霽顏以老娘呼之。諭以一家子無拘畏，姥拜謝。乃引帝至大樓樓初成。師師伏地叩帝賜額。時樓前杏花盛放，帝爲書醉杏樓三字賜之。少頃置酒，師師侍側。姥匍匐傳樽爲帝壽。帝賜師師隅坐，命鼓所賜蛇跗琴，爲弄梅花三疊。帝銜杯飲聽稱善者，再然帝見所供肴饌，儀下一本有皆龍鳳形，或鏤或繪，悉如宮中式。因問之，知出自尙食房廚夫手。姥出金錢倩製者，帝亦不憚。諭姥今後悉如前，無矜張顯著。遂不終席駕返。帝嘗御畫院出詩句試諸畫工，中式者歲間行一二。是年九月，以金勒馬嘶芳艸地，玉樓人醉杏花天名畫一幅，賜隴西氏。又賜藕絲燈、煖雪燈、芳艸燈、火鳳銜珠燈，各十盞。鷓鴣盃、琥珀盃、琉璃盞、鏤金偏提，各十事。月團鳳團蒙頂等茶百斤，餠餌、寒具、銀饅餅數盒。又賜黃白金各千兩。時宮中已盛，一作一本傳其事。鄭后聞而諫曰：「妓流下賤，不宜上接聖躬。且暮夜微行，亦恐事生叵測。」願陛下自愛。帝頷之。閱歲者再，不復出。然通問，一本無賞賜，一本作餐未嘗絕也。宣和二年，帝復幸隴西氏。見懸所賜畫於醉杏樓，觀玩久之。忽回顧見師師戲語曰：「畫中人乃呼之竟出耶？」即日賜師師辟寒金鈿、映月珠環、舞鸞青鏡、金虬香鼎。次日又賜師師端谿風味。視李廷珪墨、玉管宣毫筆、刻谿綾紋紙。又賜李姥錢百千緡。迪私言於上曰：「帝幸隴西，必易服夜行，故不能常繼。今良嶽離宮東偏有官地，袤延二三里，直接鎮安坊。若於此處爲潛道，帝駕往還殊便。」帝曰：「汝圖之。」於是迪等疏言，離宮宿衛人

向多露處。臣等願捐貲若干於官地營室數百楹。廣築圍牆。以便宿衛。帝可其奏。於是羽林巡軍等布列至鎮安坊止。而行人爲之屏迹矣。四年三月。帝始從潛道幸隴西。賜藏圖雙陸等具。又賜片玉基盤。碧白二色玉基子。畫院宮扇。九折五花之簾。鱗文麝香葉之蓆。湘竹綺簾。五綵珊瑚鉤。是日。帝與師師雙陸不勝。圍棋又不勝。賜白金二千兩。嗣後師師生辰。又賜師師二字一本有珠鈿金條作一本。脫各二事。玳瑁一簾。氍毹數端。鸞毛綉羽緞百匹。白金千兩。後又以減遼慶賀。大賚州郡。加恩宮一作官府。乃賜師師紫綃緞幕。五綵流蘇。冰蠶神錦被。卻塵錦褥。鈎金千兩。良醞則有桂露。流霞。香蜜等名。又賜李姥大府錢萬緡。計前後賜金銀錢綉帛器用食物等不下十萬。帝嘗於宮中集宮眷等譚坐。韋妃私問曰。何物李家兒。陛下悅之如此。帝曰。無他。但令爾等百人改豔妝服玄素。令此娃雜處其中。迥然自別。其一種幽姿逸韻。要在色容之外耳。無何。帝禪位。自號爲道君教主。退處太乙宮。佚遊之興。於是衰矣。師師語姥曰。吾母子嘻嘻。不知禍之將及。姥曰。然則奈何。師師曰。汝作一本第勿與知。唯我作一本所欲。欲下一本有是字時。金人方啓釐。河北告急。師師乃集前後所賜金錢。呈牒開封尹。願入官助河北餉復路迪等代請於上皇。願棄家爲女冠。上皇許之。賜北郭慈雲觀居之。未幾。金人破汴。主帥閻嬾索師師。云金主知其名。必欲生得之。乃索乃索一本。累日不得。張邦昌等爲蹤迹之。以獻金營。師師罵曰。吾以賤妓蒙皇帝眷。寧一死無他志。若輩高爵厚祿。朝廷何負於汝。乃事事爲斬滅宗社計。今又北面事醜虜。冀得一當。爲身之地。吾豈作若輩羔鴈贅耶。乃脫金簪。自刺其喉不死。折而吞之。乃死。道君有皇字下一本。帝在五國城。知師師死狀。猶不

附錄

道君北狩。在五國城。或在韓州。凡有小小凶吉喪祭節序。北人必有賜賚。一賜必要一謝表。北人集成一帙。刊在權場中。傳寫四五十年。士大夫皆有之。余曾見一本。更有李師師小傳。同行於時。

道君幸李師師家。偶周邦彥先在焉。知道君至。遂匿於牀下。道君自攜新橙一顆云。江南初進來。遂與師師誚語。邦彥悉聞之。藥括成少年遊云。并刀如水。吳鹽勝雪。纖手破新橙。後云。城上已三更。馬滑霜濃。不如休去。直是少人行。李師師因歌此詞。道君問誰作。李師師奏云。周邦彥詞。道君大怒。坐朝宣諭蔡京。云。開封府有監稅周邦彥者。開課額不登。如何尹京。不案發來。蔡京問知所以。奏云。容臣退朝。呼京尹叩問。續得復奏。京尹至。蔡以御前聖旨諭之。京尹云。惟周邦彥課額增羨。蔡云上意如此。只得遷就將上得旨。周邦彥職事廢弛。可日下押出國門。隔一二日。道君復幸李師師家。不見李師師。問其家。知送周監稅。道君方以邦彥出國門爲喜。既至不遇。坐久至更初。李始歸。愁眉淚睫。憔悴可掬。道君大怒云。爾往那裏去。李奏臣妾萬死。知周邦彥得罪。押出國門。略致一杯相別。不知官家來。道君問曾有詞否。李奏云。有闌陵王詞。今柳陰直者是也。道君云。唱一徧看。李奏云。容臣妾奉一杯。歌此詞爲官家壽。曲終。道君大喜。復召爲大晟樂正。後官至大晟樂樂府待制。邦彥以詞行。當時皆稱美。成詞殊不知美。成文筆大有可觀。作汴都賦。如箋奏雜著。皆是傑作。可惜以詞掩其他文也。當時李師師家有二邦彥。一周美成。一李士美。皆爲

道君狎客。士美因而爲宰相。吁。君臣遇合於倡優下賤之家。國之安危治亂。可想而知矣。貴耳集

讀書敏求記云。吳郡錢功甫祕冊藏有李師師小傳。牧翁曾言懸百金購之。而不獲見者。偶聞邑中蕭氏有此書。急假錄一冊。文殊雅潔。不類小說家言。師師不第色藝冠當時。觀其後慷慨捐生一節。饒有烈丈夫慨。亦不幸陷身倡賤。不得與墜崖斷臂之儔。爭輝彤史也。張端義貴耳集載有師師佚事二則。傳文例舉其大。故不載。今併附錄於後。又宣和遺事載有師師事。亦與此傳不盡合。可並參觀之。翠六居士書。